

pahluaili akuku mainimana

angahliaku umalilusꞰ arataisana, micikiri miararuma,
tammuucuaku kuahlahlamꞰ, maniki micikiri miararuma ualucu caihli,
atꞰhlꞰngꞰ hliparanaku arataisa, mairahlucu nua hlitakacicihli tumangurana
maravacangꞰ tukucu, kuhlaisai, patasuru puaili miararuma ia,
atꞰhlꞰngꞰicuaku mainimana tua hlitakuamiana.

akuku mainimana, ma hlicaliva hlitakumiana tam masasangarꞰ,
atꞰhlꞰngꞰ patasuuru umalilꞰpꞰngꞰ puaili salia ia, marumuku
musa sꞰsꞰsungꞰ ukikirimi hlatꞰngꞰ vuvulunga, hlatꞰngꞰna marikua
rumaturukuka, matapangꞰ lamuru turukuka,
pitahlua mikua sahlumu apima lamuru turukuka, hla pasaulꞰsꞰ hliupanga
pasaulaula'Ʞ, pasalꝼpꝼngꝼ, ruavicicua ahlalua ahlaina ihlaku nua
hlimilavaꝼ, musa hlipatuaꝼiailia tamu'u musasasala, kumita kumaru'ai ka
mangꝼsa ahla hlisuraku tuahlꝼ pangururau, ahla musa mahlukua hluhlungu
matisangalꝼ 'apasꝼ hla 'arisakai, matilꝼpꝼngꝼ tarꝼsꝼiatꝼacu puaili salia
pusipi avavu uuru.

akuku mainimana, atꝼhlꝼngꝼ patasuuru miungu taluavaulana,
malialikihlia inahlamu musa salia tamu'u ahlaina, patasuru maci aracahlia

tamu'u muacꝼkꝼhlꝼamu saliaisa ia, maialalangꝼa tamu'u ahlaina
matumuhlu aanꝼ avavu pau ihlahlamu, kuhlaisai, rianꝼa cucusalia
mahlukakua salia tamu'u ahlaina uumu uuru, kikucu arupakakari, cumapa
papa'a. kani'i ia akuku mainimana sitakurarau ta'iarā maci taluavaulana
mairahlu, patasuuru miungu taluavaulana ia, marumana sꝼausua ta'iarā
tuahlꝼ tumamahlungꝼ, ihlaisa ama'ana ruavici ihlaku nua hlimilavaꝼ, musa
patꝼkꝼ hluhlungu matisangalꝼ vutukuhlu, tam marumukuaku
mulꝼvꝼ ama'ana musa matisangalꝼ vutukuhlu, ta'iaraisaka taratuahlꝼkia
kuakitikiti vutukuhluna, marua vutukuhlu mavacangꝼ tapauisa, marua
vutukuhlu pakaritꝼkꝼhlꝼa 'isisisa, marua vutukuhlu maci ꝼmꝼca ia
makꝼngꝼcꝼ hla masavꝼlꝼ, karꝼkꝼhlꝼ musa matisangalꝼ vutukuhlu ia, tam
matiatumuhlu vutukuhlu, kuhlaisai, matiacꝼꝼpꝼngꝼamu vutukuhlu
usumanꝼ, pusasusuhlamu hla tamu'u nua tamalꝼngꝼalꝼhlꝼamu. makacani
atuatꝼhlꝼngꝼaku maramamaini, mavacangꝼ mangusipi. kani'ina ia tuaku
akuisa mainimana, kani'i pahluailia tam mavacangꝼ pasamia.

回憶起小時候的我

離開部落將近八年，從小就生長在部落，已經跟大自然變成好朋友，只要回到部落，我就會想起小時候有趣的生活。小時候，放學回家就去草叢裡找野菜餵食小雞、換水，再跟動物們玩耍。姊姊會帶我和弟弟去田裡面走走，採芒果或草莓，或去溪裡捉蟹蝦。

假日，媽媽會帶我們去外婆家玩，外婆會準備很多的食物，我們一起聊天、烤肉，爸爸會帶我和弟弟去溪邊抓魚，每次去捕魚都有很好的漁獲量，我們會取適量的魚，其他分送。